

D. D.  
DISSERTATIO ACADEMICA  
DE  
*BONO GUSTU, IN VER-  
TENDIS LIBRIS APPRI-  
ME NECESSARIO,*

---

QUAM  
ANNUENT. AMPLISS. FAC. PHIL. ABOËNS.  
PRÆSIDE  
*Mag. JOH. BILMARK,*  
HIST. AC PHIL. PRACT. PROFESSORE REG. ET ORD.

PRO GRADU MAGISTERII  
PUBLICÉ VENTILANDAM PROPONIT  
*LAURENTIUS WADELL,*  
SMOLANDUS.

IN AUDIT. MAJ. die XXIV MAJI A. R. S. MDCCXCII,  
*Horis ante meridiem solitis.*

---

ABOË, Typis FRENCKELLIANIS.

SÆ RÆ M TIS  
MAGNÆ FIDEI VIRO,  
REGII GOTH. DICASTERII PRO - PRÆSIDI  
NEC NON  
SUPREMI REGII TRIBUNALIS MEMBRO,  
PERILLUSTRI AC GENEROSISSIMO LIBERO BARONI,  
*D:no AXELIO JOHANNI*  
*von KÖHLER,*  
MÆCENATI MAGNO,

Quamvis temerarium haberi possit, TUUM Perillustre No-  
men tantillæ, qualis præfens est, præfigere opellæ,  
spem tamen foveo certissimam, TE, Perillustris Domine Liber  
BARO ac PRO-PRÆSES, facilem, qui TUUS generosus est ani-  
mus, veniam pietati meæ, hoc modo suam, qua TE ob-  
in signia in paternam domum collata beneficia, supplex pro-  
sequor, venerationem testaturæ. Serena itaque fronte susci-  
pias Specimen hoc Academicum, TIBI humillime consecratum,  
measque spes TIBI in posterum etiam commendatas gratiofissime  
finas. Mihi vicissim nihil prius aut posterius erit, quam pro  
TUA ac Perillustris Familiæ TUE felicitate ardentissimis Deum  
O. M. fatigare precibus. Ad cineres usque permanfurus

PERILLUSTRIS AC GENEROSISSIMI NOMINIS TUI

cliens devotissimus  
LAURENTIUS WADELL.

S:Æ R:Æ M:TIS  
MAGNÆ FIDEI VIRO,  
CUBICULARIO REGIO,  
NOBILISSIMO AC GENEROSISSIMO  
DOMINO,  
*ERICO REUTERCRONA,*

MÆCENATI MAGNO,

Omnium, quos Sol videt, ingratissimus forem, si hanc prætermitterem occasionem, devotissimum, quo Te, Generosissime Domine, prosequor, publice declarandi animum. Inde enim a pluribus lustris in paternam dominum tot tantaque contulisti beneficia, quot quantaque si recensere aggrederer, fidem vix inveniret mea oratio. In ære Tuo toti sumus, sed eodem exsolvi nec possumus, nec volumus. Suscipias tamen, Generosissime Domine, tenuem hanc dissertationem in pignus pietatis, qua TE cernuus prosequor, nunquam intermorituræ. Quam si supplici dederis veniam, ego pro perenni TUA, Generosissime Domine, & Familiae Tuæ Nobilissimæ flore calidissima ad Supremum Numen fundere vota non intermittam, ad extre-  
mum vitæ halitum permanfurus

NOBILISSIMI AC GENEROSISSIMI NOMINIS TUI

elius humillimus  
LAURENTIUS WADELL.

*Frälfse - Inspectören,*  
*Högaktade*  
*Herr LARS WADELL,*  
*Samt*  
*Mad. BRIGITTA FAHLSTRÖM,*

*Mine Huldaſte Föräldrar,*

**D**en ömbet och utmärkta godhet, som af Mine Huldaſte Föräldrar jag alt ifrån mit första intråde i verlden intil närvarande stund haſ åtnjutit, är större, än at jag med ord kan tolka hjertats känſlor. Om ock detta vore för mig möjeligt, så kan jag likväl ej belöna någon af Mine Huldaſte Föräldrars välgärningar. Det är imedlertid en tilfredsställeſe för mig, at offenteligen få förklara mit tänkesätt, och öfverlämna åt Mine Huldaſte Föräldrar detta Academiska Arbete, sāsom en underpant af den vördnad och kärlek, bvarmed, näst tilönskan af all fällhet, jag beständigt förbliver

*Mine Huldaſte Föräldrars*

Lydigste Son  
LARS WADELL.



## PRÆFATIO.

**Q**uum rarissime contingat, ut quis litterarum characteres ab alio exaratos, sibique propositos, exacte adeo imitari queat, ut, quantamcunque adhibeat sollertia, inter utramque scripturam aliqua tamen non appareat differentia, multo autem adhuc sit difficilis, pictam quandam ab excellente præser-tim artifice imaginem similibus coloribus & paribus penicilli ductibus in alia ita delineare tabula, ut di-versa utriusque pictoris industria se non prodat, quam-vis in typo non aliae postulentur venustates, quam quæ in prototypo coram conspicuntur; nemo miretur, interpreti, alienum scriptum in suam translaturo vernaculam, & Auctoris sensum aliis expressuro verbis, permultas devorandas esse difficultates. Docet hoc ipsa interpretationis indeles, nec diffitentur, quotquot periculum ejusmodi operis fecerunt. *Il est constant*, inquit *De la MOTHE Le VATER*, que presque toute sorte de traductions font perdre beaucoup à leurs Originaux, sur tout s'ils sont excellens, & qu'il en est souvent comme de ces vins

A.

trans-

❀      )      \*      €      ♀

*transvasez, dont le plus spirituel s'évapore en passant d'un vaisseau dans un autre (a).* Non equidem ignoramus, varias ab Eruditis passim proponi regulas, in libris recte vertendis observandas; sed, nisi fallimur, scientiae totum hoc non est opus; quare versionem feliciter adornaturo aliis quoque opus est adminiculis. Quocirca cum de influxu boni gustus in versiones conficiendas parcus egerint Eruditi, rem haud ingratam me facturum credidi, si his ostenderem pagellis, quam Interpreti necessarius sit bonus gustus; multum me lucratum professus, si meditationes meæ palato Be-nevoli Lectoris non obveniant prorsus insipidæ.

(a) *Vid. Oeuvres de la MOTHE Tom. II. part. II. p. 15.*

### §. I.

Sicut scripti alicujus *versio* consistit in ejus translatione a lingua minus nota in aliam pluribus familiarem, eum in finem facta, ut illius rudes, hanc vero callentes, scriptum illud intelligent; ita patet, praecipuam Interpretis curam eo esse directam, ut genuinum auctoris sensum ex versione, æque ac ex textu autographo, percipient Lectores. Verba igitur Auctoris, quæ signa sunt ejus cogitationum, aliis ex sua lingua petitis, vel æquipollentibus, si fieri possit, vel saltem significatum quam proxime eundem habentibus, exprimet Interpres. Si vero animadvertis, se, verba pro verbis reddendo, notiones vel inanes vel deceptrices,

vel

vel auctoris menti, aliunde perspectæ, non satis congruas Lectoribus propinaturum, a rigida verborum, non certe numerandorum, sed potius appendendorum, observantia nonnihil recedet, & idonea quadam periphrasi sensum Auctoris adsequi studebit. Sicut enim in vita communi characterem hominis, non ab externo ejus habitu, sed ab ejusdem indole & actionibus moralibus aestimamus; ita in libris vertendis, non solis inhærebimus verbis, sed mentem Auctoris idonea exprimemus ratione. Immo aliorum exspectationi non defuturus Interpres, ad formam auctoris, cui se adjunxit comitem, ita se componit, suaque efficit opera, ut ille totus sub alieno delitescat habitu. Egregie omnino in hanc rem commentatur Illustris Domina DACIER: *Une fidélité trop scrupuleuse pour conserver la lettre, ruine l'esprit, ce qui est l'ouvrage d'un froid & stérile génie; au lieu que l'autre en ne s'attachant qu'à conserver l'esprit, ne laisse pas dans ses plus grandes libertés, de conserver aussi la lettre, & par ses traits hardis, mais toujours vrais, la traduction devient non seulement la fidèle copie de son original, mais un second original même; ce qui ne peut être executé que par un génie solide, noble & fécond (a).*

(a) Vid. *La Préface sur la traduction d'Homère.*

## §. II.

Antequam in rem veniamus præsentem, de gustu illo, cuius primaria in hoc argumento est conside-

ratio, nonnulla erunt præmittenda. Magnam omnino vim, ad æstimandam rerum vel pulchritudinem vel deformitatem habet communis hominum natura; quæ sicut ex anima & corpore, sensum particeps, est conslata; ita non obscuras utriusque illius partis vel delectationes vel offendiones prodit, illas quidem, quibus in res sibi jucundas fertur, has autem, quibus res sibi molestas fugit, saltem ab his se avertit. Si eut igitur experientia docet, nec palato quævis saporum genera, nec naribus quasvis odores, nec oculis omnes promiscue colores, nec auribus denique quoslibet sonos æqualiter convenire, sed memoratos sensus aliis suaviter adfici & quasi pasci, aliis vero offendere & ex his tedium percipere; ita eadem constat magistra, quod simili modo se habeat animus noster, cui rerum, se offerentium, aliæ placent, displacent aliæ, appetit quasdam, nonnullas fastidit. Nihil tamen minus inter istam boni & mali, jucundi ac molesti electionem, quam suo quisque sensum extenorū modulo metitur, atque hanc pulchri in natura, in disciplinis & artibus perceptionem magnum intercedit discrimen, quod altera ab organorum corporis constitutione dependens, pro diversa horum confirmatione variare, & modo casu, modo aliis aliquis rerum fluxarum impressionibus regi soleat; altera autem, quia una est causarum, quibus absolutio pulchri continetur, ratio, certa ac constante mentis æstimatione decernitur. Ut vero haec tam multitudinis,

\* . ) s ( \*

dinis, quam doctorum consequatur assensum, oportet eam legibus, a natura sanctis, esse consentaneam, aliaeque hujus opificis exemplo atque instituto conformem. Opinionum igitur commentis, quae dies conficit, non insistendum, sed beneficæ ac pulcherrimæ Naturæ operum, quorum præstantiam tempus confirmat, contemplationi vacandum, ut habitum nobis comparemus, judicia de rebus obviis, harum indoli conformia, ferendi. Hujus rerum tam ad ipsarum, quam ad hominum naturam relationis promta & secura animadversio, *Boni Gustus* nomine venire solet. In eundem fere modum *Gustum* describit Illustris MONTESQUIEU: *Le gout, inquit, n'est autre chose que l'avantage de découvrir avec finesse & avec promptitude la mesure du plaisir que chaque chose doit donner aux hommes.* (a).

(a) Vid. *Essai sur le Gout*, p. 2.

### §. III.

Vox *gustus* sensu, quem modo indicavimus, sumta, veterique Latio ferme ignota, Eruditis recentioris ævi perplacuit ob jucundam similitudinem, quæ inter gustationem rerum sapidarum, & gratam aliarum tam naturalium, quam humanarum, menti oblatarum aestimationem intercedit, & quæ metaphorica hac locutione multe & suavior & vividior redditur, quam si verbis exprimeretur propriis. Tametsi autem hæc facultas, quam *bonum* dicimus *gustum*, quid

aptum sit & cohærens, quid temporibus, locis, personis & argumento conveniat, in universum definiat; præcipue tamen eximum usum præstat artibus liberalibus ac studiis ab humanitate nomen indeptis: in his enim, quid pulchrum sit, quid absolutum, perfectumque, quid jejunum, quid mediocre, tacito quodam sensu percipit & decernit, quemadmodum in scientiis, quid verum sit falsumve, serutatur intellectus (*a*). Enimvero sicut omnium facultatum animæ nostræ est mutua quædam & anima connexio, & rerum disciplinæ, perinde ac res ipsæ, in natura obviæ, perenni constrictæ sunt necessitudine; ita quoque nec in artibus intellectus, nec in Philosophia gustus nullas sibi vindicat partes; siquidem nec in hac pulchri (*b*), neque in illis veri (*c*) ratio erit negligenda. Haud parum tamen differt utraque hæc facultas, *ratio scilicet & bonus gustus*; sicut enim illa distinctas rerum ideas sibi formare studet; ita hic sensatione, ab objectis impressa, nititur; in omni autem sensatione, etiam clara, est aliquid confusi & indistincti, licet enim unus sensus se satis clare ab aliis distinguat sensibus, & unum sensibile ab aliis sensibilibus; in quolibet tamen sensibili est quædam confusa pluralitas, cujus singulæ partes nonnisi confuse percipiuntur (*d*). Quamvis autem gustus ita de confuso aliquid trahat, mentem tamen ad percipiendas rerum relationes ac connexiones, & hinc porro ad id quod aptum vel ineptum, pulchrum vel deformis

forme detegendum magis interdum excitat, quam firmissimæ solent demonstrationes (e).

- (a) In hac proinde dissertatione *gustum* strictiori sumimus significatu, qui olim præterim, latius patens, scientiis etiam applicabatur; adeo ut bonus ei tribueretur *gustus*, qui vim rationum, ab alio in medium allatarum, percipiens eisdem aslurgeret. Communiter autem sensus moralis ad *gustum* nunc referri solet.
- (b) Scilicet placet veritas non solum ut indubia & ignorantiae victrix, sed imprimis ob suayissimum boni sensum inde provenientem.
- (c) Gustui itaque mentali ceu sapidum obvenit quidquid ita est expressum, ut sua cujusque natura postulat. Bene hoc explicat Cl. BOUHOURS: Selon la doctrine d'Aristote tout ce qui sera imité parfaitement, sera agréable, quand même ce seroit quelque chose d'affreux. Le plaisir, qu'on a de voir une belle imitation, ne vient précisément de l'objet, mais de la réflexion, que fait l'esprit, qu'il n'y a rien en effet de plus ressemblant; de sorte qu'il arrive en ces rencontres, qu'on apprend, je ne sais quoi, de nouveau, qui pique & qui plaît. Vid. La maniere de bien penser dans les ouvrages d'esprit p. m. 125, 126.

- (d) Confusæ huic perceptioni originem debet illud Gallorum, *Je ne sais quoi* aliquid admirantium, effatum, itemque notissimus ille *MARTIALIS* versus Libr. I. Epigram. XXXIII: *Non amo te, Sabidi, nec possum dicere quare — Hoc tantum possum dicere, non amo te.*

(e) Hinc

(\*) Hinc apud Cl. BOUHOURS libr. cit. p. 316. legimus: *Le bon gout est le premier mouvement, ou, pour ainsi dire une éspèce d'instinct de la droite raison, qui l'entraîne avec rapidité, & qui la conduit plus sûrement, que tous les raijonnemens, qu'elle pourroit faire.*

#### §. IV.

Scriptum quoddam consignaturus, præsumitur alii suppeditare velle notitiam rerum sibi perspectarum; sedulo itaque & quantum sua fert conditio cavet, ne quidquam in medium adferat, rationi, experientiæ aut bono gustui minus consentaneum, aut cuius obscuram tantummodo notionem sibi formaret lector. Nemo autem non perspicit, fortem auctoris meliorem esse ejus conditione, qui in aliam linguam scriptum convertet: Ille enim occupatur argumento, sibi præcipue familiari; potest pro lubitu notiones sibi occurrentes vel adoptare, persequi, &, quem velit, habitum eis induere, vel plane rejicere; potest etiam lingua, quam aptissimam judicat, uti, & suo cuncta accommodare gustui. Sicut enim ad scribendum sponte sua se accinxit; ita cogitationum & locutionum eatenus est arbiter, quatenus sua argumento non noceat libertas. At penes scripti hujus Interpretem nec rei nec vocabulorum nexus est arbitrium: hujus enim est officium, suum pressé sequi auctorem, & tam sensa ejus animi, quam stili temperamentum apte exprimere; immo muneris sui partes recte impleturo non sufficit languidior, sed nonnunquam major ac vividior

vidior ei erit boni ac perfecti sensus, quam ipsi auctori, id quod non pauci, præcepta litterarum elegantiorum tradentes, rotunde adfirmare non dubitarunt. Præter hæc præcipua ab eo requiritur sagacitas, qui monumenta veterum scriptorum, præfertim classicorum, ut cogitandi, ita etiam loquendi modo ab eo, qui postea invaluit, diversissimo intentum, imprimis si lingua pridem emortua suos consignarunt libros, vernacula reddere instituit. Hinc quoque factum novimus, ut cum multi ac præstantissimi sint Auctores primigenii, paucis tamen bonis interpretibus omnis gavisa fuerit ætas. Hoc inde etiam provenisse arbitramur, quod alii dictiones & sententias veteres, vel sajtem peregrinas, ad suos mores iudicique formam traducerent, alii autem verba Auctoris totidem verbis reddendo & suæ linguae habitum ad alieni sermonis genium transformando, sensum sui autographi non tam adumbrarent, quam sœpe obumbrarent, nec tam verterent, quam stilo insulso perverterent.

## §. V.

Nos non fugit, regulas quasdam, easque non contempendas, versiones librorum adornaturis præscribi. Enimvero quum ipsi autographi generalia quædam in scriptis suis consignandis non sequantur præcepta, sed meditationes suas litteris ita mandent, prout hinc argumenti ratio, locus, tempus, aliæve

circumstantiae, inde ingenium, judicium atque linguæ  
indoles suggerant; satis patet, interpretem a regulis  
fibi præscriptis, in locis præfertim ambiguis ac no-  
dosis explicandis, desideratum subsidium non semper  
experturum. Cui nonnunquam accedit, quod licet  
interpretes linguam autographi probe calleat, vernacu-  
lo tamen tamen sermone pure & apte quid scribendi  
facultate, cui videlicet comparandæ studium & ope-  
ram nunquam impendit, destituatur; plerisque autem  
desuisse videtur bonus gustus & sapor recti, qui tantum  
valet, ut, qui eodem pollet, licet ceteroquin mediocri  
eruditionis supellestili fuerit instructus, palmam ta-  
men eruditissimis Viris, in libris præfertim verten-  
dis, non raro præripuerit.

## §. VI.

Ne vero boni gustus præstantiam in vertendis  
libris ultra suum commendasse videamus meritum,  
fententiam nostram exemplo, probationis vicem tui-  
turo, extra dubitationis aleam ponemus. Scilicet ex  
judicio Illustris J. D. MICHAELIS (*a*), harum re-  
rum æstimatoris peritissimi, Interpretatio Sacri Codici-  
cis a B. LUTHERO facta, plerisque recentioribus  
multum præstat, licet harum auctores eruditione at-  
que linguarum Hebrææ ac Græcæ peritia eum lon-  
ge superaverint; bono autem gusto, quo ille pollebat,  
non æque valuerunt. Luculenter hoc patet, si in-  
ter se comparemus versiones Libri JOBI a Lauda-

to LUTHERO, & ejusdem scripti interprete omnium eruditissimo Alberto SCHULTENS, confessas; quarum illa, tametli prisco sermonis Germanici habitu vestita, multo gratius sapit, ac lubentius legitur, quam hæc; cuius e Latīna in linguam quandam recentiorem translatæ lectionem vix quisquam posset concoquere. Quod mirum némini obveniet; cum enim omnem doctrinam & sagacitatem ad id conferret Schultensius, ut in radicibus vocum Hebraicarum notiones earum inveniret primitivas atque emphaticas, easque, licet cum ipsis vocibus parum sociales, in sua adoptaret versione; contra ea autem LUTHERUS in sua versione non tam verba, nedum omnes imagines, quas in illis perspicere sibi videntur Etymologi, quam potius sententiam Scriptoris autographi exprimeret. Quoties igitur judicavit, sensum alicujus sententiae litteralem Lectores fore offensurum, idoneam adhibuit periphrasin, & ubi Interpretes in diversos abierunt sensus, eum adoptavit, qui ipsi videbatur pulcherrimus. Hanc tamen libertatem, pro ea, qua Divina oracula tractari debent, modestia, longius non extendit, quam ad locutiones & res, rationis ac sensuum humanorum æstimationi subjectas.

(a) Vid. J. D. MICHAELIS deutsche Uebersetzung des alten Testaments der erster theil in Præfatione.

### §. VII.

Præterea nisi in applicatione plerarumque Interpretationis regularum bonus promicer gustus, versio

evadet jejuna; quod uno alterove ostendemus exemplo. Notum est, inter regulas Interpretationis hanc haberi ferme primariam: *Sensui verborum proprio tamdiu erit inhærendum, quamdiu inde recedere, nulla nos cogit necessitas.* Facilis est hæc theoretica præceptio, cuius canonica exsecutio difficultate non caret. Quis enim est proprius verborum sensus? Non ille semper talis habetur, quem vel etymologia vel analogia subministrat; quum primi nomenelatores Philosophiam non jugiter consuluerint. Immo, licet fax Critica in dubiis locutionibus iterum iterumque quatiatur, lumen tamen aut nullum aut obscurum fundit. Si porro quæratur: quando cogens illa adsit necessitas? Responderi solet: dum ex versione litterali aliquid vel absurdum, vel iniquum, vel etiam ineptum sequitur. Quid vero? si nihil horum occurrat interpreti, an verba verbis reddendo certus esse potest, se genuinum auctoris sensum in proposito loco fuisse adsecutum. Profecto non raro accidit, ut voces clarissimæ & phrases planissimæ notionem fundant obscuram, quod idiotismos linguae, qua usus est auctor, sibi non satis perspectos habet Interpres. Sic i. Sam. XXIV: 4. occurrit phrasis *tegere pedes suos*, quam Svecus interpres alios imitatus, juxta verba reddit: *betäcka sina fötter.* Si vero quæratur, quid fecerit Rex SAUL, *pedes suos tegens?* apta paucis obveniet responsio; bonus autem gustus nos admonet, hac phrasi indigitari: *Saulem cubitum ivisse;* partem enim

vesti-

vestimentī non nisi Sauli dormienti abscindere potuit DAVIDES, in eandem speluncam ingressus. Quis porro dicam scriberet Interpreti, simplicem hanc & argumenti indoli ex esse convenientem explicationem priori litterali, aut alii communiter receptae, sed minus congruae, in sua versione substituent? Similiter dum Luc. XVIII: 25. res impossibilis designatur *transitu camelī per foramen aciculæ*, gustus mibi fuggerit, voce *cameli* hoc loco indigitari non animal ita vocatum, sed funem nauticum Sveti *Ankar-tog*; utramque significationem in lingua Graeca habet vox *καλυπτος*. Pari modo responsum Pytheæ Delphicæ Atheniensibus deliberantibus datum: *ut moenibus ligneis se contra Persas munirent*, satis clarum primo videbatur, at quid mœnia lignea designabant, THEMISTOCLIS sagacitas, boni gustus filia, acute conjectiebat.

## §. VIII.

Opinantur non pauci, se in suam vernaculae haud operose translaturos aliorum scripta, modo horum linguam ex præceptis Grammaticalibus & vocum radices ex idoneis dñdicerint Lexicis. Sed hi fere sunt, qui ignorent, potestates multorum vocabulorum nunc esse deperditas, item ex peculiari vocis enjusdam usu oriri, præter primarium, notiones quasdam socias, in alia lingua eidem non accedentes; nec sunt experti, in stilum Auctoris ex aliis aliisque rebus cir-

cumstantibus reflecti lumen, eoque sieri, ut stilus, quantumvis planus videatur, reconditum quendam contineat sensum, vix melius quam bono gusto detegendum. Quocirca monet ingeniosissimus GELLERT: *Gesetz, wir haben uns eine Grammaticalische kentniss der alten geworben; sind wir deswegen im Stande, sie zu lesen, wenn wir uns nicht in ihren Zeiten versetzen können, wenn wir nicht mit ihren Sitten, Gewohnheiten, Meinungen, mit ihrer Religion, mit ihrer Regierungs form in einer genauen Bekantschaft stehen, wen wir ihr Land und seine Geschichte nicht immer vor augen haben &c (a).* Peculiare est, quod de se prohibet Celebris Philosophus, MOSES MENDELSON (b), sci iacet quod Odas Davidicas ex Hebraica in linguam Germanicam, quæ utraque ei fere fuit vernacula, translatus, eas hoc ordine vertendas sunferit, prout Odarum argumentum statui animi sui, vel hilari vel tristi, conveniret. Attamen nec hoc modo, ut multis videtur, omne in versione sua tulit punctum; forte quod diversum esset DAVIDIS & MOSIS hujus temperamentum, & incidentes casus dispari modo Regium & privati hominis animum adficere soleant.

(a) Vid. *Vermischte Schriften* 2 Tbeil pag. m. 338  
& 339.

(b) Vid. *Præfationem Versioni suæ odarum Davidis præmissam.*

Denique quum quævis interpretatio contineatur sententiarum, verbis expressarum, intellectu, earumque apta explicatione; utramque hanc facultatem partim adjuvat, partim moderatur gustus. Si-  
ve enim quæratur: quomodo mens auctoris intel-  
ligenda? Sive inter plures sensus, quorum singuli  
speciem probabilitatis præ se ferunt, quis, ceu  
genuinus, sit eligendus? rerum cognitio ac linguæ pe-  
ritia pariter in promtu erunt. Quo enim quisque  
minus habet salis & saporis, eo promptius adsenti-  
tur eis, quæ proponuntur, & bono destitutus gustu  
fua commenta pro auctoris sententiis non raro ven-  
didat. Contra ea saepe contingit, ut dum animus  
scientiis ac disciplinis probe imbutus, de vero sen-  
su inter plures, quorum nullum plane improbat,  
hæret dubius, bonus gustus perspiciat aptissimum.  
Sollicite adhæc cavebit Interpres, ne ad genium  
linguæ, in quam versio sit, ita transformentur alio-  
rum scripta, ut nihil de genere dicendi proprio su-  
persit, neū character auctoris, qui ex versione etiam  
quadantenns erit cognoscibilis, penitus deseratur;  
præsertim cum forma modusque verborum cum  
rebus ipsis & genere argumentandi eam habuerint  
connexionem, ut illæ intelligi, hoc consistere & re-  
ete procedere saepe non possit, nisi versione ad e-  
tymologiam verborum conformata. Quid autem  
ad genium sermonis, quid ad characterem scripto-  
ris

ris sit referendum, quid, salva perspicuitate, ex vocabulis & dictionibus, ex tropis & imaginibus retinendum, generalibus nullis definiri potest regulis, sed pæne ex solo æstimandum erit gustu.

S. D. G.

